

Aña di Formacion Social a wordo termina

10 certificado a wordo entrega na hobennan



ORANJESTAD- Segun un relato manda pa minister di asuntonan social, maneho di hubentud y labor esta Paul Croes. Den number di prome minister Mike Eman a haci entrega di 10 certificado na hobennan cu a termina e aña di Formacion Social.

Sr. Croes a comenta "Hobennan cu a pone e meta nan dilanti cu nan ta bay logra e trayecto aki, y awe nan ta haci nan famianan orguyoso, amistadnan orguyoso, esunnan cu ta guianan den e trayecto y naturalmente nan mes. Boso a pasa den momentonan di esfuerso, dedicacion, sodo, trabou den team pa asina logra e meta importante aki awe. Con-

sidera e certificado aki como un apertura pa oportunidadnan grandi cu bo por logra."

Riba dia 19 di augustus Bon Dia Aruba a publica, segun un relato di sr. Eman cu E programa di Trayecto Formacion Social ta conoci caba como un di e programanan mas exitoso pa formacion di hobennan na Aruba. E relato a conta cu e programa ta brinda hobennan cu no tin un diploma of un trabou pa trece cambio den nan bida. Esaki ta logra ora nan participa den un curso di un aña cu ta inclui training fisico bou guia militar, hayando cursonan pa mehora nan chens den mercado laboral y tambe core stage na varios instancia of companianan local. □

